

藏經書院版

卍
續藏經

第 25 冊

中國撰述

大小乘釋經部

新文豐出版公司
印行

出續藏經。一一臺一版。一一臺北市：新文豐，[民82。
-]

冊；公分

ISBN 957-17-0665-5 (一套：精裝)

— ISBN 957-17-1142-X (第二五冊：精裝)

1.藏經

221.08

82000521

所有



版權

發行所及

新文豐出版

有 股
限 份
公 司

發行人 高

本

釗

編輯者藏經書

院

新編
卅續
藏經

全一五一册
第二五册

精裝一冊基價一五・五五元正

中華民國八十四年七月台一版三刷

公 司 臺 北 市 雙 園 街 九 十 六 號
 電 話 三 〇 六 七 五 七 三 〇 八 八 六 二 四
 門 部 臺 北 市 羅 斯 福 路 一 段 二 十 號 八 樓
 電 話 三 四 一 五 二 九 三 三 一 五 二 九 四
 台 北 郵 政 三 六 四 三 信 箱
 登 記 證 局 版 臺 業 字 第 〇 六 四 九 號
 郵 政 劃 撥 〇 一 〇 〇 四 四 一 六 號
 傳 真 三 五 六 八 〇 七 六 三 〇 二 三 八 七 〇

22090200 (精:一套)

22090225 (精 : 第二五册)

佛尼牟迦釋師本無南



卍續藏經第二十五冊目錄

新文豐出版公司影印卍續藏經會編印

中國撰述 大小乘釋經部

楞嚴經宗通十卷	明曾鳳儀宗通	0001
入楞伽經心玄義一卷	唐法藏撰	0409
楞伽經通義六卷	宋善月述	0426
楞伽經集註四卷	宋正受集記	0613
觀楞伽經記八卷之內自一至六卷	明德清筆記	0723

楞嚴宗通緣起

昔天台智者師我南嶽思大禪師。獲證法華三昧。觀靈山一會。儼然未散。自是閱諸經典。渙然冰釋。及解法華六根清淨義。沉吟久之。有西域僧謂曰。唯首楞嚴經著明六根功德。足與相證。智者於是渴慕。每听夕望。西遙拜如是者。積十六歲。南嶽天台寺左畔。有拜經臺遺址。云距智者後百餘年。楞嚴始入中國。經屬房相筆受。文字爾雅。字內學士大夫多誦之。余凡三至拜經臺。輒徘徊不忍去。竊歎古人繫懷聖典。積十餘載。不及見今楞嚴盈書肆。乃棄置不復觀。何也。余因發心書楞嚴於石。命工鐫刻。以次砌成石室。俾造拜經臺者。周環讀之。咸曰。經來也。庶爲智者補一欠缺。事方操筆。端書間。忽作是念。余所書者。字也。非義也。智者欲此經之來。無非欲人人知有此經義。爾如玄沙備頭陀。因閱楞嚴。發明心要。是深於義者。乃至靈巖安長水。璿竹菴珪黃龍南及紹隆安民等。靡不因楞嚴而有悟。此諸宗師不孤此經之來也已。若因文解義。句釋字訓。漸疏漸微。累至數十家。而經義

愈遠。則不求諸心之過也。故能得諸心。此經雖未至。而智者依教立義。往往與楞嚴合。不得諸心。雖曰對楞嚴。而此經猶然在西域也。卽充塞棟宇。奚益宗師家務。掃除文字。見解爲不足。尙有以哉。然諸宗師出詞吐氣。接引初機。語意多似楞嚴。至發明向上證入菩提。則與二十五圓通機緣無異。卽不誦楞嚴。而楞嚴具在。卽楞嚴不至。此土而此土未始無楞嚴也。余不自揆。徧探宗語。配合經文之後。或與暗符。或與互見。或推衍其意。或發所未發。念之所到。隨取隨足。余亦不自知其湊泊。一至於此。豈天地間合有此種議論。而余多生夙願。固欲藉是宣楞嚴之義耶。是借諸老宿以明經。而非以我明經也。抑卽宗以明經。而非以文字見解明經也。遂名之曰宗通宗通及說通。當有自得於心者。與諸老宿披襟相見。不但楞嚴一會儼然未散。而智者亦至今在。南嶽山長金簡曾鳳儀拜徵父題

大佛頂如來密因脩證了義諸菩薩萬行首楞嚴經

卷第一

唐天竺沙門般刺密帝譯

烏菟國沙門彌伽釋伽譯語

唐菩薩戒弟子前正議大夫同中書

門下平章事清河房融筆受

明菩薩戒弟子前奉訓大夫禮部祠

祭清吏司員外郎南嶽曾鳳儀宗通

通曰此經胡以名大佛頂如來密因脩證了義諸菩薩萬行首楞嚴也爾時文殊師利法王子在大衆中卽從座起頂禮佛足而白佛言當何名是經我及衆生云何奉持佛告文殊師利是經名大佛頂悉怛多般怛囉無上寶印十方如來清淨海眼亦名救獲親因度脫阿難及此會中性比丘尼得菩提心入徧知海亦名如來密因脩證了義亦名大方廣妙蓮華王十方佛母陀羅尼呪亦名灌頂章句諸菩薩萬行首楞嚴汝當奉持據本文含有多義此但以大佛頂該之以佛頂神呪卽十方佛

母陀羅尼呪卽灌頂章句卽度脫阿難及性比丘尼者故不重出呪曰摩訶悉怛多般怛囉此云大白傘蓋純潔白淨含覆一切故謂之大此大佛頂神呪不可思議乃如來之密因脩證之了義諸菩薩萬行卽此具足而一切究竟堅固也夫法能漸而不能頓者不可謂大能頓而不能圓者不可謂大今日密曰了已該頓義曰脩證曰萬行已該圓義唯此圓頓法門與大方廣佛華嚴經及妙法蓮華經無異蓋信住行向地等妙覺已包裹華嚴而耳根圓通都與普門品互見兼備二經旨趣其大何如未悟者轉不生滅而爲生滅卽非了義其悟者轉生滅而爲不生滅卽一切究竟堅固故向上一路非悟不可然則呪何關於悟悟何關於呪均以大佛頂名何也呪不可思議悟亦不可思議呪卽悟境悟卽呪境言語道斷心行處絕見猶離見見不能及故取於佛頂離自見相故又諸佛頂族一超直入至尊至貴法門也合論名曰尊頂以此僧問黃檗無邊身菩薩爲什麼不見如來頂相檗

云實無可見何以故無邊身菩薩便是如來不應更見祇教汝不作佛見不落佛邊不作衆生見不落衆生邊不作有見不落有邊不作無見不落無邊不作凡見不落凡邊不作聖見不落聖邊但無諸見卽是無邊身若有見處卽名外道外道者樂於諸見菩薩於諸見而不動如來者卽諸法如義所以云彌勒亦如也如卽無生如卽無滅如卽無見如卽無聞頂卽圓亦無圓見故不落圓邊所以佛身無爲不墮諸數權以虛空爲喻圓同太虛無欠無餘等閑無事莫強辯他境辯著便成識又僧問百丈無邊身菩薩不見如來頂相如何丈云爲作有邊見無邊見所以不見如來頂相祇如今都無一切有無等見亦無無見是名頂相見觀二尊宿說佛頂義如珠走盤若知他落處許頂門上具隻眼旣曰如來密因則不藉脩證矣又曰脩證了義胡以別於不了義哉蓋如來者果號也金剛經云若有人言如來若來若去若坐若臥是人不解我所說義何以故如來者無所從來亦無所去故

名如來夫來無所從去無所至果何物哉可謂密矣佛頂神呪爲如來密語其密無二以此密爲因卽以此密得果如蓮之莖因果一時具足故以此爲脩脩而無脩以此爲證證而無證經云何藉劬勞肯綮脩證此卽了義之旨如其不然猶爲未了昔惠明趁及六祖祖曰汝旣爲法而來可屏息諸緣勿生一念吾爲汝說明良久祖曰不思善不思惡正與麼時那箇是明上座本來面目明言下大悟復問云上來密言密意外還更有密意否祖曰與汝說者卽非密也汝若返照密在汝邊明曰某甲雖在黃梅實未省自己面目今蒙指示如人飲水冷暖自知今行者卽某甲師也祖曰汝若如是吾與汝同師黃梅善自護持又懷讓初謁嵩山安禪師問如何是祖師西來意安曰何不問自己意讓便問如何是自己意山曰要觀密作用問如何是密作用山以眼開合示之讓不領山指見六祖祖曰從何來讓曰嵩山祖曰什麼物恁麼來讓不能對經八載始白祖曰某甲有箇會處祖曰如何

對曰說似一物卽不中。祖曰還可脩證否。對曰脩證卽不無。污染卽不得。祖曰善哉。祇此不污染。諸佛之所護念。汝旣如是。吾亦如是。若二尊宿者。深契密意。得脩證了義矣。後僧問百丈。從上祖宗。皆有密語。遞相傳受。如何。丈曰。無有密語。如來無有祕密藏。祇如今鑑覺語言。分明覓形相了。不可得。是密語。從須陀洹。向上直至十地。但有語句。盡屬法之塵垢。但有語句。盡屬煩惱邊收。但有語句。盡屬不了義教。但有語句。卽不許也。了義教俱非也。更討什麼密語。據百丈見處。密之一字。亦須吐却。了義教亦不立。可謂向千佛頂上行。諸菩薩萬行。未離脩證。何謂一切究竟堅固。蓋諸菩薩未至灌頂位。卽有脩有證。已至灌頂位。卽超入等妙覺。何脩證之有。諸行雖無常。但自妙覺中流出一切事。法當處寂滅。故謂之究竟堅固。經云有三摩提名大佛頂首楞嚴。王具足萬行。十方如來一門超出妙莊嚴路。此三摩提。卽首楞嚴大定也。乃具足萬行妙莊嚴路。非離萬行而別有所謂定也。一切皆

定。故曰一切事究竟堅固。傳大士日常營作。夜則行道。見釋迦金粟定光三如來放光襲其體。大士乃曰。我得首楞嚴定。此經未至。此名已標異哉。四祖語牛頭融禪師曰。夫百千法門。同歸方寸。河沙妙德。總在心源。一切戒門。定門。慧門。神通變化。悉自具足。不離汝心。一切煩惱業障。本來空寂。一切因果。皆如夢幻。無三界可出。無菩提可求。人與非人性相平等。大道虛曠。絕思絕慮。如是之法。汝今已得更無闕少。與佛何殊。更無別法。汝但任心自在。莫作觀行。亦莫澄心。莫起貪嗔。莫懷愁慮。蕩蕩無礙。任意縱橫。不作諸善。不作諸惡。行住坐臥。觸目遇緣。總是佛之妙用。快樂無憂。故名爲佛。融禪師聞此。橫出一枝佛法。卽灌頂章句。何以加焉。法眼云。修行三生六十劫。四生一百劫。如是直到三祇果滿。古人猶道不如一念緣起。無生超彼三乘權學。故曰彈指圓成。八萬門刹那滅却。三祇劫宗門中原有此奇特事。豈謂萬行具足而後可得。首楞嚴定哉。經者常道也。說文曰。織有經有緯。經常

而緯變此經係龍勝於龍宮默誦而出五天世主
祕重不傳。豈知此經人人具有。箇箇不無。乃爲常
道何必祕。也有僧問首山一切諸佛皆從此經出。
如何。是此經。山曰。低聲低聲。僧云。如何受持。山曰。
不染污。投子頌曰。水出崑崙山。起雲釣人樵父昧。
來因只知洪浪巖巒闊。不肯拋絲弃斧斤。藥山尋
常不許人看經。有時自看。次僧云。和尚尋常不許
人看經。何故自看。山曰。我只要遮眼。僧曰。某學和
尙得否。山曰。汝若看牛皮也須穿透。故知遮眼分
齊斯得受持之妙。若透牛皮幾何。不至於染污哉。
如是我聞。一時佛在室羅筏城。此云祇桓精舍。即祇
樹給與大比丘衆千二百五十人俱。皆是無漏大阿
羅漢。

通曰。如是我聞。一時諸經皆以此冠。阿難稟佛遺
旨。結集諸經。唱此六字。羣疑頓釋。如是如是云者。
但可自信。無容言說。若如是之法。佛祖密付。則
以下葛藤。皆其註脚矣。有僧參南陽忠國師。師問
習何事業。曰。講金剛經。師曰。最初兩字是甚麼。曰。

如是。師曰。是甚麼。僧無對。咄哉。將甚麼講經。又雪
峯存禪師問座主。如是兩字。盡是科文。作麼生是
本文。主無對。五雲代云。更分三段。著且道。五雲出
語。是科文。是本文。比丘具三義。曰。乞土曰破惡曰
怖。魔阿羅漢亦具三義。曰。應供曰殺賊曰無生。始
因終果。相爲呼應。皆云大者揀非小品。謂其所從
事者。即大佛頂之大。故均以大名也。漏亦有三種。
曰無明。曰欲。曰有。經云。汝常聞我毗奈耶中。宣說
修行三決定。義所謂攝心爲戒。因戒生定。因定發
慧。是則名爲三無漏。學戒則無欲漏。定則無有漏。
慧則無無明漏。此三無漏。名決定。義似以慧爲極。
則而洞山語曹山曰。末法時代人多乾慧。若要辨
驗真僞。有三種滲漏。一曰見滲。漏機不離位。墮在
毒海。二曰情滲。漏滯在向背見處。偏枯。三曰語滲。
漏究妙失宗。機昧終始。濁智流轉於此三種。子宜
知之。此於乾慧中又分此三種。非具擇法眼。莫能
照破。故同向大乘阿羅漢。必合洞山之語觀之。而
無漏之義始備。

佛子住持善超諸有能於國土成就威儀從佛轉輪
妙堪遺囑嚴淨毗尼。此云弘範三界應身無量度脫戒律
衆生拔濟未來越越塵累

通曰住持云者覺性常住能持萬法者也數語總
敘實該一經之大旨曰善超諸有則七徵八還五
陰六入十二處十八界以至七大所不能障也破
妄之義已具曰成就威儀則建立道場及三漸次
五十五位菩提之路也顯真之義已具曰妙堪遺
囑則二十五圓通各證自性俱堪授記作佛者也
見性宗趣自存曰弘範三界此經扶律諄諄於四
禁十善及九次第定弘彰三界之軌則也阿難啓
教以斷淫爲首務卽此而在曰應身無量卽敕諸
菩薩及阿羅漢應身生彼末法之中作種種形度
諸輪轉是也爲末法衆生防範魔事超諸塵累證
於圓通實如來最後垂範至意風穴沼禪師垂語
云若立一塵家國與盛野老顰蹙不立一塵家國
喪亡野老謳歌雪竇拈拄杖云還有同生同死的
衲僧麼意在立塵處頌云野老從教不展眉且圖

家國立雄基謀臣猛將今何在萬里清風只自知
雪竇於佛事門中不捨一法天童兼實際理地不
受一塵兩法齊行一併拈出頌云幡然渭水起垂
綸何似首陽清餓人只在一塵分變態高名勳業
兩難泯又長慶云總似今日老胡有望保福云總
似今日老胡絕望天童拈云富嫌千口少貧恨一
身多觀諸老宿傳持大教總爲得人與佛祖拔濟
未來之心等無差別故錄之爲住持者法

其名曰大智舍利弗。此云摩訶目犍連此云大摩訶拘絺羅此云富樓那彌多羅尼子此滿須菩提此云優婆塞沙陀此空等而爲上首復有無量辟支無學併其初心同來佛所屬諸比丘休夏自恣十方菩薩此覺咨決心疑欽奉慈嚴將求密義卽時如來敷座宴安爲諸會中宣示深奧法筵清衆得未曾有

通曰此敘經之始謂諸菩薩將求密義而不云何者爲密謂世尊宣示深奧而不云何者爲奧胡爲法筵清衆得未曾有昔世尊一日陞座文殊白椎云諦觀法至法法王法如是世尊便下座天童頌

云一段眞風見也麼。縣化母理機梭織成古錦。含春象無奈東君漏洩。何雪寶頌云。列聖叢中作者。知法王法令不如斯會中。若有仙陀客。何必文殊下一椎。若於世尊敷座宴安處。得箇消息。是真妙契奧密。而不假詞說之繁者矣。辟支有初發心者。蓋辟支之徒也。休夏自恣律開三日。七月十四十五十六。

迦陵仙音偏十方界。恒沙菩薩來聚道場。文殊師利而爲上首。

通曰。迦陵仙鳥在轂已具美音衆鳥莫及。喻頓教入如來種。不假修習。非三乘所及。如來此音以應頓機故也。昔日健連欲窮佛音。盡其神力。歷恒沙界至一佛國。報身甚鉅鉢飯邊圍。可當道路。目連振錫而遊其上。彼諸弟子問其佛曰。安所有蟲而人其貌者。彼佛云是娑婆界釋迦文佛弟子目健連。未可以其小而易之也。因問連何爲至此。連以窮佛音聲對彼佛語。連佛音無盡。非汝可窮。連乃返所謂偏十方界者。良有徵已。恒沙菩薩各有住。

處如華嚴所載補陀支提五臺峨嵋那羅延窟。列刹相望。踵接肩摩。宇宙無窮。何地非菩薩住處。聞佛音聲來集佛所。卽恒沙未足。方其多也。文殊此云妙德。以表實智。宣示頓教。則文殊爲當機。故爲上首。昔無著文喜禪師嘗至五臺金剛窟禮謁文殊。遇一老翁牽牛而行。邀師入寺。翁呼均提有童子應聲出迎。翁縱牛引師陞堂堂宇皆耀金色。翁據床指繡墊命坐。翁曰。近自何來。喜曰。南方翁曰。南方佛法如何住。持喜曰。末法比丘少奉戒律。翁曰。多少衆。喜曰。或三百或五百。喜却問此間佛法如何住。持翁曰。龍蛇混雜。凡聖同居。喜曰。多少衆。翁曰。前三三後三三。翁呼童子致茶并進酥酪。喜納其味。心意豁然。翁拈起玻璃盞問曰。南方還有這箇否。喜曰。無翁曰。尋常將甚麼吃茶。喜無對。惜哉。當時只合與撲碎玻璃盞。喜觀日色稍晚。遂問翁擬投一宿得否。翁曰。汝有執心在。不得宿。喜曰。某甲無執心。翁曰。汝曾受戒否。喜曰。受戒久矣。翁曰。汝若無執心。何用受戒。喜辭退。翁令童子相送。

喜問童子前三三後三三是多少童召大德喜應
 諾童曰是多少喜復問曰此為何處童曰此金剛
 窟般若寺也喜悽然悟彼翁者即文殊也不可再
 見乃稽首童子願乞一言為別童說偈曰面上無
 嗔供養具口裡無嗔吐妙香心裏無嗔是珍寶無
 垢無染是真常言訖均提與寺俱隱喜後參仰山
 頓了心契令充典座文殊常現於粥饌上喜以攪
 粥筴便打曰文殊自文殊文喜自文喜殊乃說偈
 曰苦瓠連根苦甜瓜徹蒂甜修行三大劫却被老
 僧嫌到這裏還道有執心麼雪竇頌云千峰盤屈
 色如藍誰謂文殊是對談堪笑清涼多少衆前三
 三與後三三於此透脫許觀面文殊

時波斯匿王此名勝軍為其父王諱曰營齋請佛官掖自
 迎如來廣設珍羞無上妙味兼復親延諸大菩薩城
 中復有長者居士同時飯僧佇佛來應佛敕文殊分
 領菩薩及阿羅漢應諸齋主唯有阿難此云慶喜先受別
 請遠遊未還不遑僧次既無上座及阿闍黎此軌途
 中獨歸其日無供即時阿難執持應器於所遊城次

第循乞心中初求最後檀越此云施者以為齋主無間淨
 穢利利此云王種尊姓及旃陀羅此云屬賤方行等慈不擇微
 賤發意圓成一切衆生無量功德阿難已知如來世
 尊訶須菩提及大迦葉此云飲光為阿羅漢心不均平欽
 仰如來開闡無遮度諸疑謗經彼城隍徐步郭門嚴
 整威儀肅恭齋法

通曰波斯匿王及長者居士同時飯僧何若是殷
 也以飯僧功德最利益故佛嘗為須達說布施果
 報謂多施少報少施多報供養百千諸佛不如供
 養一淨行乃至供養百千諸佛不如供養一無心
 道人又四十二章經云佛言飯惡人百不如飯一
 善人飯善人千不如飯一持五戒者飯持五戒者
 萬不如飯一須陀洹飯百萬須陀洹不如飯一斯
 陀含飯千萬斯陀含不如飯一阿那含飯一億阿
 那含不如飯一阿羅漢飯十億阿羅漢不如飯一
 辟支佛飯百億辟支佛不如飯一三世諸佛飯千
 億三世諸佛不如飯一無念無住無修無證之者
 大略相同有僧問洛浦供養百千諸佛不如供養

一無心道人百千諸佛有何過。無心道人有何德。浦云一片白雲橫谷口。幾多歸鳥盡迷巢。丹霞頌云拾得疎慵非覺曉。寒山懶惰不知歸。聲前一句圓音美。物外三山片月輝。此單頌無心道人爾。甘贄行者一日入南泉設齋。黃檗爲首座行者請施財。檗曰財法二施等無差別。甘曰恁麼道。爭消得某甲。贄便將出去。須臾復入曰請施財。檗曰財法二施等無差別。甘乃行。贄又一日入寺設粥。仍請南泉念誦。泉乃白槌曰請大衆爲狸奴白牯念摩訶般若波羅蜜。甘拂袖便出。泉粥後問典座行者。在甚處坐。曰當時便去也。泉便打破鍋子。疎山如頌云。特來設粥誇英俊。那知王老更風流。打破粥鍋呈醜拙。狸奴白牯一齊收。若贄者可謂能供養無心道人矣。行乞有五種義。一由內證平等。理外不見貧富相。故二離貪慢心。偏利故三有大定力。不懼惡象姪女家。故四離凡夫猜嫌。故五破二乘分別。故淨名曰於食等者於法亦等。無論貴賤淨穢俱證菩提。是爲圓成一切衆生無量功德。須苦

提捨貧從富。大迦葉舍富從貧。則慈不均平。不爲等慈。阿難心中作如是念。卽落意識分別。卽屬鬼家活計。所以魔得其便。何似契此之行。乞手常以杖荷一布囊。并破席。凡供身之具盡貯囊中。入鄣肆聚落見物。則乞或醯醢魚菹。才接入口。分少許投囊中。時號長汀子。一日有僧在師前行。乃拊其背。僧回首。師曰乞我一文錢。僧曰道得卽與。汝一文錢師放下布袋叉手而立。又一日在市立。僧問和尚在這裏作甚麼。師曰等箇人。僧曰來也來也。師曰汝不是這箇人。僧曰如何是這箇人。師曰乞我一文錢。嘗有偈曰一鉢千家飯。孤身萬里遊。青目觀人少。問路白雲頭。若契此者可謂得諸佛儀式矣。世尊一日敕阿難食時將至。汝當入城持鉢。阿難應諾。世尊曰汝旣持鉢。須依過去七佛儀式。阿難便問如何是過去七佛儀式。世尊召阿難。阿難應諾。世尊曰持鉢去。噫阿難若早了此。何至有摩登之事。

爾時阿難因乞食次。經歷姪室。遭大幻術摩登伽女。

此云以娑毗迦羅此云黃先梵天呪攝入姪席姪躬本性變外道

撫摩將毀戒體如來知彼姪術所加齋畢旋歸王及大臣長者居士俱來隨佛願聞法要於時世尊頂放百寶無畏光明光中出生千葉寶蓮有佛化身結跏趺坐宣說神呪敕文殊師利將呪往護惡呪銷滅提獎阿難及摩登伽歸來佛所

合論曰世尊愍衆生流轉三界皆由著欲於諸欲中惟姪爲重故經首敘摩登伽女特言其故謂溺之爲大患絕之爲大利譬如牧羊鞭其後者故於機會處必痛致其意焉寶蓮香比丘尼持菩薩戒私行姪欲妄言行姪非殺非偷無有業報卽於女根生大猛火然後節節猛火燒然墮無間獄而烏芻瑟摩以聞佛說多姪之人成猛火聚以火光三昧成阿羅漢曰諸漏旣消生大寶燄登無上覺夫無上覺佛地也而觀姪性則便能登之無間獄惡道也而從姪事則便生陷之又論十種習因則首敘姪習曰一者姪習交接發於相摩研摩不休如是故有大猛火光於中發動是故如來色目行姪

同名欲火然後乃敘貪慢等又毗奈耶宣說修行三決定義所謂攝心爲戒因戒生定因定發慧是則名爲三無漏學今斷殺盜姪妄而此經序姪於先又觀世音菩薩自敘三十二應身說法而梵天王以欲心明悟便與佛菩薩緣覺聲聞同名解脫自餘二十八種止名成就而已又以五種辛發姪增恚令立三漸次以斷之名第一增進又觀姪欲過猶毒蛇禁戒成就就父母肉眼能觀十方是皆機會處痛致其意者也此論廣括一經脈絡反覆叮嚀深明此經啓教必以斷姪爲首務令人惕然毛骨爲悚雖然證實智者視一切聲色如幻如夢又惡足以滑其中哉四十二章經云佛言愛欲之人猶如執火逆風而行必燒手也天神獻玉女於佛欲以試佛觀佛道意而定遐邇佛言革囊衆穢爾來何爲去吾不用汝天神逾敬因問道意佛爲解說卽得須陀洹果又維摩經云舍利弗問天女汝何以不轉女身天曰我從十二年來求女人相了不可得當何所轉譬如幻師化作幻女若有人問

何以不轉女身是人爲正問否舍利弗言不也幻
無定相當何所轉天曰一切諸佛亦復如是無有
定相云何乃問不轉女身即時天女以神通力變
舍利弗令如天女天自化身如舍利弗而問言何
以不轉女身舍利弗以天女像而答言我今不知
何轉而變爲女身天曰舍利弗若能轉此女身則
一切女人亦當能轉如舍利弗非女而現女身一
切女人亦復如是雖現女身而非女也是故佛說
一切諸法非男非女即時天女還攝神力舍利弗
身還復如故天問舍利弗女身色相今何在舍
利弗言女身色相無在無不在天曰一切諸法亦
復如是無在無不在夫天女神力能轉舍利弗先
梵天况不能毀阿難戒體是兩段經義可謂兩彩
一寶

阿難見佛頂禮悲泣恨無始來一向多聞未全道力
殷勤啓請十方如來得成菩提妙奢摩他三摩禪那
最初方便於時復有恒沙菩薩及諸十方大阿羅漢
辟支佛等俱願樂聞退坐默然承受聖旨

通曰此阿難發問乃一經之領袖自始至終世尊
酬答無遺所云奢摩他此云至靜當空觀三摩鉢
提此云變化力用當假觀禪那此云寂滅不取幻
化及諸靜相當中觀圓覺經云寂靜奢摩他如鏡
臨諸像如幻三摩提如苗漸增長禪那唯寂滅如
彼器中鍍三種妙法門皆是覺隨順十方諸如來
及諸大菩薩因此得成道三事圓證故名究竟涅
槃阿難一向多聞於此素所修習焉者何待於問
然今日爲幻術所加則平昔所習觀行所修禪定
俱不得力竊計十方如來必有妙於此者玩一妙
字似彷彿窺見何藉劬勞肯綮脩證之旨但不知
最初方便何由悟入耳圓覺亦云唯除頓覺人并
法不隨順原有一種頓門但以見性爲宗故能見
性則無心於止觀而止觀自具不能見性雖日從
事於止觀而難敵魔境唯見性則得妙矣向後所
云妙明真心妙莊嚴海妙明明妙不一而足皆以
酬彼妙字之意而終之以偈曰是名妙蓮華金剛
王寶覺如幻三摩提彈指超無學此阿毗達磨十

方薄伽梵一路涅槃門。此頓門也。故非尋常止觀禪定所及。昔雪峰三上投子。九上洞山。亦既多聞矣。已嗣德山。與巖頭至澧州。鰲山鎮阻雪。頭每日祇是打睡。峰一向坐禪。一日喚曰。師兄。師兄且起來。頭曰。作甚麼。峰曰。今生不著便。共文邃箇漢行脚到處。被他帶累。今日到此。又祇管打睡。頭喝曰。瞌睡去。每日床上坐。恰似七村裏土地。他時後日。魔魅人家男女。去在峰自點胸曰。我這裏未穩在。不敢自謾頭。曰。我將謂你他日向孤峰頂上盤結草庵。播揚大教。猶作這箇語話。峰曰。我實未穩在。頭曰。你若實如此。據你見處。一一通來。是處與你證明。不是處與你剗却。峰曰。我初到鹽官。見上堂舉色空義。得箇入處。頭曰。此去三十年。切忌舉著。又見洞山偈曰。切忌從他覓。迢迢與我疎。渠今正是我。我今不是渠。頭曰。若與麼自救也。未徹。在峰又曰。後問德山。從上宗乘中。事學人還有分也。無德山打一棒曰。道甚麼。我當時如桶底脫相似。頭喝曰。你不聞道。從門入者。不是家珍。峰曰。他後如

何。卽是頭曰。他後若欲播揚大教。一一從自己胸襟流出。將來與我蓋天蓋地去。峰於言下大悟。便作禮起。連聲叫曰。師兄。今日始是鰲山成道。妙哉。妙哉。豈是一向坐禪得這般話頭來。

佛告阿難。汝我同氣。情均天倫。當初發心於我法中。見何勝相。頓捨世間深重恩愛。阿難曰。佛我見如來三十二相。勝妙殊絕。形體映徹。猶如瑠璃。常自思惟。此相非是欲愛所生。何以故。欲氣麤濁。腥臊交遘。膿血雜亂。不能發生。勝淨妙明。紫金光聚。是以渴仰從佛剃落。

通曰。阿難賴有此思。惟爲初發心。張本。故遭幻術不甚眩惑。雖入姪室。不毀戒體。但以三十二相觀。如來不免色見。聲求。猶存邪解。於佛眞法身尙遙遠。在隨州法爲禪師。上堂法身無相。不可以音聲求。妙道亡言。豈可以文字會。縱使超佛越祖。猶落階梯。直饒說妙談玄。終挂唇齒。須是功熏不犯影迹。不留枯木寒巖。更無津潤。幻人木馬。情識皆空。方能垂手入鄽。轉身異類。不見道無漏國中。留不